



高麗史

志

三十七

リ伊6  
2809  
37



特刊  
2807  
37



別行及一序  
本ノミニ組  
一字下二序下  
毛同標

志卷第十二

高麗史五十八

正憲大夫曹判書集賢殿直學知經筵春秋館事兼成均大司成臣鄭麟趾奉  
教修

地理三

四三下

交州道本額地後為高句麗所有歷新羅至高麗成宗十四年分境內為十道以春州等郡縣屬朔方道明宗八年始稱春州道後稱東州道元宗四年稱交州道忠肅王元年稱淮陽道辛禰十四年并嶺東西為交州江陵

分 行 市

道以忠州所管平昌郡來屬領郡八防禦郡一知事

郡二屬郡五縣二十

交州本高句麗各連城郡各一作客一新羅

景德王改為連城郡高麗初稱伊勿城成宗

十四年更今名為團練使顯宗九年改為防

禦使忠烈王三十四年以鐵嶺口子把截有

功陞淮州牧忠宣王二年汰諸牧降為淮陽

府要害處二鐵嶺揪池嶺又義館嶺德津溪

所載祀屬郡二縣四

長楊郡本高句麗大楊管郡一云馬新羅

景德王改為大揚郡麗高更今名來屬有

金剛山一云楓岳一云皆骨千峯雪立

金城郡本高句麗母城郡一云也新羅景

德王改為益城郡後更今名顯宗九年陞

為郡後降為縣來屬睿宗元年置監務後

置今高宗四十一年復降為監務四十四

年又稱道寧

嵐谷縣本高句麗赤木鎮非一云沙新羅景

別行

德王改名丹松為連城郡領縣顯宗九年  
更今名仍屬

通溝縣

溝一作口

本高勾麗水入縣

伊縣

新

羅景德王改今名為歧城郡領縣顯宗九  
年來屬

歧城縣本高勾麗冬斯忽郡新羅景德王

改今名為郡至高麗初降為縣來屬有善

提津

和川縣本高勾麗藪姓川縣新羅景德王

改名藪川為大楊郡領縣高麗初更今名  
來屬

春州本貊國新羅善德王六年為牛首州

一作置軍主文武王十三年稱首若州

一云首

云乃景德王改朔州後改光海州太祖二十

三年為春州成宗十四年稱團練使屬安邊

府州人以道塗艱險難於往來至神宗六年

賂崔忠獻陞為安陽都護府後降知春州事

別號壽春

成廟所定

又號鳳山有昭陽江屬郡二

縣九

嘉平郡作嘉加一本高勾麗斤平郡近平云新羅

景德王改今名顯宗九年來屬有花岳山

又有清平山

狼川郡本高勾麗往川郡一云也新羅景

德王改今名高麗初來屬睿宗元年置監

務兼任楊口

基麟縣本高勾麗基知郡高麗改今名來

屬

朝宗縣本高勾麗深川縣一云伏新羅景

德王改名浚川為嘉平郡領縣高麗更今

名顯宗九年來屬

麟蹄縣本高勾麗猪足縣一云烏新羅景

德王改名狝蹄為楊麓郡領縣高麗更今

名來屬後屬淮陽恭讓王元年置監務

橫川縣本高勾麗橫川一云於新羅景德

王改名潢川為朔州領縣高麗復稱橫川

仍屬後屬原州恭讓王元年置監務別號

別行

花田

洪川縣本高句麗伐力川縣新羅景德王  
改名綠驍為朔州領縣顯宗九年更今名  
仍屬仁宗二十一年置監務別號花山

文登縣本高句麗文見縣一云介新羅景

德王改今名為太揚郡領縣顯宗九年來

屬後移屬淮陽

方山縣本高句麗三峴縣一云密新羅景

德王改名三嶺為楊麓郡領縣高麗更今

名來屬後屬淮陽

瑞禾縣禾一作和本高句麗王岐縣一云皆新

羅景德王改名馳道為楊麓郡領縣高麗

更今名來屬後屬淮陽別號瑞城

楊溝縣本高句麗楊口郡一云要新羅景

德王改為楊麓郡高麗更今名來屬睿宗

元年置監務以狼川監務來兼

東州本高句麗鉄圓郡一云毛新羅景德王

改為鉄城郡後弓裔起兵略取高句麗舊地

自松岳郡來都修葺宮室窮極奢侈後國號泰封及太祖即位徙都松嶽改鐵圓為東州宮殿古基在州北二十七里楓川之原成宗十四年置團練使穆宗八年罷之顯宗九年改知東州事高宗四十一年降為縣令官後陞為牧忠宣王二年汰諸牧降為鐵原府別號昌原成廟所定又號陸昌有寶蓋山屬郡一縣七

金化郡本高勾麗夫如郡新羅景德王改為富平郡顯宗九年更今名來屬仁宗二

十一年置監務別號花山

朔寧縣本高勾麗所邑豆縣新羅景德王改名朔邑為兔山郡領縣高麗更今名顯

宗九年來屬睿宗元年以僧嶺監務來兼

平康縣康一作江本高勾麗斧壤縣一云於新

羅景德王改名廣平為富平郡領縣顯宗

九年更今名來屬明宗二年置監務後為

金化監務所兼恭讓王元年析置監務有

分水嶺

別行

漳州縣漳一作漳本高勾麗工木達縣一云熊

新羅景德王改名功成爲鐵城郡領縣高

麗更今名成宗十四年置團練使穆宗八

年罷之顯宗九年仍屬明宗五年置監務

兼任僧嶺忠宣王即位避王嫌名改爲漣

州別號獐浦成廟所定有澄波渡

僧嶺縣本高勾麗僧梁縣非一云新羅景德

王改名幢梁爲鐵城郡領縣高麗更今名

顯宗九年仍屬睿宗元年置監務兼任朔

寧

伊川縣本高勾麗伊珍買縣新羅景德王

改今名爲兔山郡領縣顯宗九年來屬後

置監務別號花山有溫泉

安峽縣本高勾麗阿珍押縣一云新羅景

德王改今名爲兔山郡領縣顯宗九年來

屬睿宗九年置監務

洞陰縣本高勾麗梁骨縣新羅景德王改

今名爲堅城郡領縣顯宗九年來屬睿宗



元年置監務元宗十年以衛杜功臣康允  
紹內鄉陞為永興縣令官

西海道本高句麗之地唐高宗滅高句麗而  
不能守新羅遂并之及其季世為弓裔所據  
太祖既立盡有其地成宗十四年分境內為  
十道以黃州海州等州縣屬關內道後改為  
西海道後遂安谷州殷栗等縣沒于元至忠  
烈王四年元乃歸之領大都護府一牧一郡  
六縣十六鎮一

安西大都護府海州本高句麗內米忽

一云池城

一云長池

新羅景德王改為瀑池郡太祖以郡南

臨大海賜名海州成宗二年初置十二牧州  
其一也十四年置十二州節度使稱右神策  
軍與楊州為左右輔顯宗三年廢節度使九  
年定置四都護府改為海州安西都護府睿  
宗十七年又陞為大都護府高宗三十四年  
為海州牧恭愍王二十二年倭寇入侵殺牧  
使嚴益謙於是誅州吏之不救者降州為郡

後復陞為牧別號大寧西海成廟所定又號孤竹  
有首陽山大首坤島一作睡鴨下同小首坤島延平  
島作坪龍媒島屬縣三領防禦郡一縣今官  
一鎮一

益州本高勾麗冬音忽音一作多一新  
羅景德王改為海泉郡高麗初更今名  
成宗十四年置防禦使顯宗初廢防禦  
使來屬後置監務高宗四年以禦丹兵  
有功陞為永膺縣令官四十六年以縣

人將軍車松祐有衛社之功陞知復州  
事元宗十年又以衛社功臣李汾禧之  
鄉改為碩州忠烈王三十四年又陞為  
溫州牧忠宣王二年汰諸牧降為延安  
府別號五原成廟所定有大堤號曰南大池  
州東有氈城古祭天壇  
白州本高勾麗刀臘縣一云雉城新羅景  
德王改名雉澤為海泉郡領縣高麗初  
更今名顯宗九年屬平州毅宗十三年

創免山重興闕陞知開興府事後復舊  
名來屬高宗四十六年以衛社功臣李  
仁植內鄉陞為忠翊縣令官元宗十年  
又以衛社功臣趙璫內鄉陞知復興郡  
事恭愍王十八年避侍中慶復興之名  
還稱白州別號銀川成廟所定有溫泉  
安州本高勾麗息城郡一云漢城郡一云漢忽一云乃  
忽新羅景德王改為重盤郡高麗初更  
今名成宗十四年置防禦使顯宗初廢

防禦使來屬睿宗元年置監務高宗四  
年以禦丹兵有功陞為載寧縣令官別  
號安陵成廟所定又號安風

豐州本高勾麗仇乙縣一云屈遷高麗初改今  
名成宗十四年陞為都護府顯宗九年置  
防禦使別號西河成廟所定有椒島席島屬郡  
一縣五

安岳郡本高勾麗揚岳郡高麗初改今  
名顯宗九年來屬睿宗元年置監務忠

穆王四年陞為知郡事別號揚山有阿

斯津省草串阿斯津挑串皆載祀典屬有連豐莊

恭讓王二年置長命連豐兼監務

儒州本高勾麗關口高麗初改今名顯

宗九年來屬睿宗元年置監務高宗四

十六年以衛社功臣成均大司成柳璈

內鄉陞為文化縣令官別號始寧成廟所定

有九月山世傳阿斯達山症症坪世傳檀君所都即唐莊京

之三聖祠有檀君祠

殷栗縣本高勾麗栗口栗川高麗初改

今名顯宗九年來屬

青松縣本高勾麗麻耕伊高麗初改今

名顯宗九年來屬睿宗元年置監務海安

縣令官因倭寇侵擾辛禡九年屬于縣

嘉禾縣本高勾麗板麻串高麗初改今

名顯宗九年來屬睿宗元年置監務以

求康監務求兼

求寧縣本高勾麗熊閑伊高麗初更今

高麗史卷五十八 十一  
名顯宗九年來屬後移屬信川

瓮津縣本高勾麗瓮遷高麗初改今名顯

宗九年置縣今有麒麟島昌麟島魚化島

孤島謀島屬縣二

長淵縣一云長潭本高勾麗地新羅及高麗

皆仍舊名顯宗九年來屬睿宗元年置

監務有長山串春秋降香祀行祭載小祀白沙汀三面

際海

永康縣本高勾麗付珍伊高麗初改今

名顯宗九年來屬睿宗元年置監務兼

任嘉禾

白翎鎮本高勾麗鵠島高麗改今名爲鎮

顯宗九年置鎮將恭愍王六年以水路艱

險出陸僑寓文化縣東村尋以地窄廢鎮

將屬文化縣任內恭讓王二年革爲直村

有大青島忠肅王四年元流魏王阿木哥

太子于此十年召還十一年流李刺  
太子于此十六年召還十七年流陶  
于帖木兒太子于此後元年召還小青

島

黃州牧本高勾麗冬忽一云于冬於忽新羅憲德王

改為取城郡高麗初更今名成宗二年初置

十二牧州其一也十四年置十二州節度使

稱天德軍屬關內道顯宗三年廢為安撫使

九年定置八牧仍為牧高宗四年以不能禦

丹兵降知固寧郡事後復稱黃州牧出陸寓

君州西村忠肅王後七年稱鉄和駱置監務

後革之又州屬有長命鎮恭讓王二年置長

命連豐別號齊安成廟又號龍興有阿斯津

松串典載要害處有棘城屬郡二縣一領知

事郡二縣令官一

鳳州本高勾麗鵠郡一云祖坡衣新

羅景德王改為柶巖郡高麗初更今名

成宗十四年置防禦使顯宗初廢防禦

使來屬忠烈王十一年復稱防禦使尋

知鳳陽郡事別號池河成廟

信州本高勾麗升山高麗改今名成宗

十四年置防禦使顯宗初廢防禦使來

別行

屬後置監務別號信安成廟所定有溫泉

土山縣本高勾麗息達憲德王改今名

顯宗九年來屬忠肅王九年以功臣平

壤君趙仁視祖母鄉陞為祥原郡有佳

殊密

平州本高勾麗大谷郡一云多知忽新羅景德

王改為永豐郡高麗初更今名成宗十四

年置防禦使顯宗九年定為知州事元宗

三十年併于復興郡忠烈王時復舊別號

延德又號東陽有猪淺一云沮江有溫泉屬縣

洞州本高勾麗五谷郡一云于次吞忽新羅景

德王改為五關郡高麗更今名成宗十

四年置防禦使顯宗初廢防禦使來屬

元宗朝以安胎陞為瑞興縣今官別號

隴西成廟所定要害處有岳嶺即慈悲嶺

谷州本高勾麗十谷城一云德頓忽一云谷

郡新羅景德王改名鎮瑞為永豐郡領縣

高麗初更今名成宗十四年置防禦使顯宗九年定為知郡事別號象山成廟所定屬縣

新恩縣顯宗九年來屬高宗四十六年以衛社功臣李公柱內鄉陞知潭州事後復舊名還屬別號新城

俠溪縣本高勾麗水谷城縣且忽新羅景德王改名檀溪為永豐郡領縣高麗初更今名顯宗九年來屬後置監務

有北蘇宮闕舊基北蘇即縣之箕達山半隅時據道說密記

遣權仲和等審得之與左蘇白岳山右蘇白馬山為三蘇

遂安縣本高勾麗獐塞縣一云古新羅所於

時為栖巖郡領縣高麗初改今名屬谷

州任內後置縣今忠宣王二年以元嬖

宦李六順之請陞為遂州一云以郡人為勞

於國陞為郡

東界本高勾麗舊地成宗十四年分境內為十道以和州溟州等郡縣為朔方道靖宗二



高麗初更名成宗十四年置防禦使顯宗九年定為知郡事別號象山成廟所定屬縣

新恩縣顯宗九年來屬高宗四十六年以衛社功臣李公柱內鄉陞知潭州事後復舊名還屬別號新城

俠溪縣本高勾麗水谷城縣且忽云買新羅景德王改名檀溪為永豐郡領縣高麗初更名顯宗九年來屬後置監務

有北蘇宮闕舊基北蘇即縣之箕達山半隅時據道說密記

遣權仲和等審得之與左蘇白岳山右蘇白馬山為三蘇

遂安縣本高勾麗獐塞縣一云古新羅

時為栖巖郡領縣高麗初改今名屬谷

州任內後置縣今忠宣王二年以元嬖

宦李六順之請陞為遂州一云以郡人為

於國陞為郡

東界本高勾麗舊地成宗十四年分境內為十道以和州溟州等郡縣為朔方道靖宗二

年稱東界與北界為兩界文宗元年稱東北面或稱東面

東路東北界後成州迤北沒於東女真睿宗二

年以平章事尹瓘為元帥知樞密院事吳延

寵副之率兵擊逐女真置九城立碑于公嶮

鎮之先春嶺以為界至明宗八年稱沿海漠

州道高宗四十五年蒙古兵來侵龍津縣人

趙暉定州人卓青叛殺兵馬使慎執平以和

州迤北附于蒙古蒙古乃置雙城總管府于

和州以暉為總管青為千戶以治之四十六

年以忠清道之寧越平昌來隸後還其道元

宗四年稱江陵道忠烈王十六年以寧越平

昌復來屬恭愍王五年稱江陵朔方道七月

遣樞密院副使柳仁雨攻破雙城於是按地

圖收復和登定長預高文宜州及宣德元興

寧仁耀德靜邊等鎮諸城前此朔方道以都

運浦為界築長城置定州宣德元興三關門

沒于元凡九十九年至是始復之以壽春君

李壽山為都巡問使定疆域復號東北面九

年稱東界

與北界為兩界

文宗元年稱東北面

或稱東面

東路東北界

後成州迤北沒於東女真睿宗二年

以平章事尹瓘為元帥知樞密院事吳延

寵副之率兵擊逐女真置九城立碑于公嶮

鎮之先春嶺以為界至明宗八年稱沿海濱

州道高宗四十五年蒙古兵來侵龍津縣人

趙暉定州人卓青叛殺兵馬使慎執平以和

州迤北附于蒙古蒙古乃置雙城總管府于

和州以暉為總管青為千戶以弘治四十六

年以忠清道之寧越平昌來隸後還其道元

宗四年稱江陵道忠烈王十六年以寧越平

昌復來屬恭愍王五年稱江陵朔方道七月

遣樞密院副使柳仁雨攻破雙城於是按地

圖收復和登定長預高文宜州及宣德元興

寧仁耀德靜邊等鎮諸城前此朔方道以都

運浦為界築長城置定州宣德元興三關門

沒于元凡九十九年至是始復之以壽春君

李壽山為都巡問使定疆域復號東北面九

年稱朔方江陵道以此考之鐵嶺以北為朔  
方道以南為江陵道高麗時或稱朔方道或  
稱江陵道或合為朔方江陵道或稱為江陵  
朔方道又或稱汾海溟州道一分一合雖汾  
革稱號不同然自高麗初至于末年公嶮迤  
南三陟地北通謂之東界云領都護府一防  
禦郡九鎮十縣二十五睿宗朝所置大都護  
府一防禦郡四鎮六恭愍王以後所置府二  
安邊都護府登州本高勾麗比列忽郡一云  
淺城

郡新羅真興王十七年為比列州置軍主景  
德王改朔庭郡高麗初稱登州成宗十四年  
置團練使顯宗九年更今名高宗時定平以  
南諸城被蒙兵侵擾移寓江陵道襄州再移  
杆城幾四十年忠烈王二十四年各還本城  
別號朔方成廟所定有國島屬縣七領防禦郡九  
鎮十使三縣令官八

瑞谷縣本高勾麗康谷縣一云昔新羅  
景德王改今名為朔庭郡領縣顯宗九

年仍屬

汶山縣本高句麗加支達縣新羅景德王改名菁山為朔庭郡領縣高麗初更今名顯宗九年仍屬後改文山

衛山縣高句麗時稱號未詳顯宗九年來屬

翼谷縣本高句麗於支吞縣新羅景德王改名翊谿為朔庭郡領縣高麗更今名仍屬

別行

派川縣本高句麗歧淵縣新羅景德王

改今名為金壤郡領縣顯宗九年來屬

鶴浦縣本高句麗鶴浦縣新羅景德王

改今名為金壤郡領縣顯宗九年來屬

別行

霜陰縣本高句麗薩寒縣新羅景德王改今名為朔庭郡領縣顯宗九年仍屬

和州本高句麗之地或稱長嶺鎮或稱唐

文唐一作堂或稱博平郡高麗初為和州成宗

十四年改和州安邊都護府顯宗九年降

別行

高麗卷五十八  
為和州防禦使為本營高宗時設于蒙古  
為雙城揔管府州因合于登州猶稱防禦  
使後併于通州忠烈王時復舊恭愍王五  
年出師收復為和州牧十八年陞為和寧  
府設土官有橫江

高州古德寧鎮

源一云洪源郡

成宗十四年為高

州防禦使顯宗十九年城鳳化山南以徙  
州治恭愍王五年改知州事

宜州本高勾麗泉井郡

一云於

新羅文武

王二十一年取之改為井泉郡高麗初稱

湧州成宗十四年置防禦使後更今名睿

宗三年築城別號東牟

成廟所定

又號宜春宜

城要害處有鐵關海島有竹島

文州古稱姝城成宗八年為文州防禦使  
後合于宜州忠穆王元年復析置

長州

一云榘林一云端谷

顯宗九年為長州防禦使

後改為縣屬定州

定州古稱巴只

一云宣威

靖宗七年為定州防

高麗卷三十一  
一  
禦使置關門恭愍王五年陞都護府別號

中山有鼻白山

春秋降香  
祝行祭

豫州睿宗十一年為豫州防禦使後屬定州

德州文宗九年始築宣德城為鎮後稱德州防禦使

元興鎮靖宗十年城柱川為鎮有鎮使下同

寧仁鎮

一云清源

顯宗二十二年置

耀德鎮一名顯德鎮顯宗三年始築城堡  
長平鎮古稱古叱達光宗二十年始築城  
堡有鎮將下同恭愍王六年改鎮為縣置  
令

龍津鎮古孤浦高麗初改今名為鎮穆宗  
九年築城後屬文州辛禡五年析置縣令  
別號龍城

永興鎮古稱關防成文宗十五年始築城  
堡

靜邊鎮顯宗二十二年置有沸流水春秋

祝行

雲林鎮顯宗六年築城堡

末豐鎮本旣大伊穆宗四年置後改為縣

隘守鎮古稱梨柄成宗二年築城初隸文

州恭愍王九年屬高州

鎮溟縣一云圓山縣又名水江顯宗九年

改今名為縣今宮後屬宜州

溟州本濊國一云鈇國漢武帝遣將討右

別行

渠定四郡時為臨屯高勾麗稱河西良云一

何瑟羅州新羅善德王為小京置仕臣太宗王

五年以地連靺鞨罷京為州置都督以鎮

之景德王十六年改今名惠恭王十二年

復古太祖十九年號東原京二十三年又

以為溟州成宗二年稱河西府五年改溟

州都督府十一年更為牧十四年為團練

使後又改防禦使元宗元年以功臣金洪

就鄉陞慶興都護府忠烈王三十四年改



江陵府恭讓王元年陞為大都護府別號

臨瀛有五臺山五臺環列大小均敵故名

源水之有大嶺有鏡浦屬縣三

羽溪縣本高勾麗羽谷縣新羅景德王

改今名為三陟郡領縣顯宗九年來屬

別號玉堂

旌善縣本高勾麗仍一縣新羅景德王

改今名為溟州領縣顯宗九年仍屬後

陞為郡別號三鳳有風穴置冰經夏其旁又有水穴

南江水至此分入地中

連谷縣本高勾麗支山縣新羅景德王

仍舊名為溟州領縣顯宗九年稱今名

仍屬縣人諺傳古陽谷縣

金壤縣本高勾麗休壤郡金壤新羅景德

王改今名為郡高麗初置縣今忠烈王十

一年陞通州防禦使有卯島屬縣三

臨道縣本高勾麗道臨縣乙云助新羅

景德王改今名為金壤郡領縣高麗仍

之

雲岩縣本高句麗平珍峴縣遷云新羅

景德王改名偏險為高城郡領縣高麗

更今名來屬

碧山縣本高句麗吐上縣新羅景德王

改名堤上為金壤郡領縣高麗仍之

歙谷縣本高句麗習比谷縣谷一作吞新羅景

德王改名習磯為金壤郡領縣高麗更今

名仍屬高宗三十五年置縣今有穿島別

號鶴林

高城縣本高句麗達忽新羅真興王二十

九年為州置軍主景德王改今名為郡高

麗為縣今官別號豐巖有三口浦有溫泉

屬縣二

豸殺縣本高句麗猪達穴縣斯押云新

羅景德王改今名為高城郡領縣至高

麗仍屬文宗朝移縣治于陽村以扼海

賊之衝

安昌縣本莫伊縣顯宗九年稱今名來屬

杆城縣本高勾麗迺城郡一云加羅忽新羅景

德王改為守城郡高麗更今名置縣今後

陞為郡兼任高城恭讓王元年析為二郡

別號水城屬縣一

烈山縣本高勾麗僧山縣一云勿達新羅

景德王改名童山為守城郡領縣高麗

更今名仍屬別號鳳山

翼嶺縣本高勾麗翼峴縣一云伊文縣新羅景

德王改今名為守城郡領縣顯宗九年置

縣今高宗八年以能禦丹兵陞襄州防禦

使四十一年降為縣今四十四年以降賊

又降為德寧監務元宗元年陞知襄州事

別號襄山有東海神祠屬縣一

洞山縣本高勾麗穴山縣新羅景德王

改今名為溟州領縣顯宗九年來屬

三陟縣本悉直國新羅婆娑王時來降智

證王六年為州置軍主景德王更今名為  
 郡成宗十四年改陟州團練使顯宗九年  
 降為縣令卒禍三年陞知郡事別號真珠  
 有太白山新羅嶽五岳為北岳有黃池即洛東江之源  
 蔚珍縣本高句麗于珍也縣一云古郡新羅  
 景德王改今名為郡高麗降為縣置今有  
 鬱陵島在膠正東海中新羅時稱于山國  
護王十二年來降太祖十三年其島人使  
白吉士豆獻方物毅宗十一年王聞鬱陵  
地廣土肥舊有州縣可以居民遣漢州道  
監倉金柔立往視柔立回奏云島中有大

別行

山從山頂向東行至海一萬余步向西行  
 一萬三千余步向南行一萬五千余步向  
 北行八千余步有村落基址七所有石佛  
 鉄鍾石塔多生柴胡蒿本石南草然多岩  
 石民不可居遂寢其議一云于山武陵  
 本二島相距不遠風日清明則可壁見  
 咸州大都督府久為女真所據睿宗二年  
 命元帥尹瓘等率兵擊逐三年置州為大  
 都督府號鎮東軍築大城徙南界丁戶一  
 千九百四十八以實之四年撤城以其地  
 還女真後又沒於元稱哈蘭府恭愍王五  
 年收復舊疆為知咸州事尋改萬戶府置

高麗史卷之五十一

營聚江陵慶尚全羅等道軍馬防守十八年陞為牧別號咸平要害處二咸關嶺在府

北大門嶺在洪

英州睿宗三年置州為防禦使號安嶺軍四年撤城以其地還女真後併於吉州

別行

雄州睿宗三年置州為防禦使號寧海軍

四年撤城以其地還女真後併於吉州

別行

吉州久為女真所據號弓漢村睿宗三年

置州為防禦使六年築中城尋以地還女

三七二  
恭

真後沒於元稱海洋一云三海陽恭愍王時收

復舊疆恭讓王二年置雄吉州等處管軍

民萬戶府州在北雄州在南有卯島

福州久為女真所據號吳林金村睿宗三

年置州為防禦使四年撤城以其地還女

真後沒於元稱充魯兀及恭愍王時收復

舊疆辛禡八年改端州安撫使要害處二

有伊板嶺在州東北豆乙外嶺在州南即

公嶮鎮睿宗三年築城置鎮為防禦使六

別行

營聚江陵慶尚全羅等道軍馬防守十八  
年陞爲牧別號咸平要害處二咸關嶺在府

北大門嶺在洪

英州睿宗三年置州爲防禦使號安嶺軍  
四年撤城以其地還女真後併於吉州

別行

雄州睿宗三年置州爲防禦使號寧海軍  
四年撤城以其地還女真後併於吉州

別行

吉州又爲女真所據號弓漢村睿宗三年  
置州爲防禦使六年築中城尋以地還女

三七二  
恭

真後沒於元稱海洋一云二海陽恭愍王時收

復舊疆恭讓王二年置雄吉州等處管軍

民萬戶府州在北雄州在南有邕島

福州又爲女真所據號吳林金村睿宗三  
年置州爲防禦使四年撤城以其地還女

真後沒於元稱禿魯兀及恭愍王時收復

舊疆辛禡八年改端州安撫使要害處二

有伊板嶺在州東北豆乙外嶺在州南即

公嶮鎮睿宗三年築城置鎮爲防禦使六

別行

年築山城一云孔州一云匡州一云在先

蘇下江邊

通泰鎮睿宗三年築城置鎮四年撤城以其地還女真

平戎鎮睿宗三年築城置之

崇寧鎮睿宗四年撤城以其地還女真

真陽鎮睿宗四年撤城以其地還女真

宣化鎮睿宗四年撤城以其地還女真後

收復併于吉州

別行  
別行

按舊史九城之地久為女真所據睿宗二年命元帥尹瓘副元帥吳延寵率兵十七萬擊逐女真分兵略地東至火串嶺北至弓漢嶺西至蒙羅骨嶺以為我疆於蒙羅骨嶺下築城廊九百九十間號英州火串山下築九百九十二間號雄州吳林金村築七百七十四間號福州弓漢村築六百七十間號吉州三年二月城咸州及公嶮鎮三月築宜州通

泰平戎三城於是女真失其窟穴誓欲  
 報復乃引遠地群酋連歲來侵我兵喪  
 失者亦多且拓地既廣九城相距遼遠  
 女真數設伏叢薄抄掠往來國家調兵  
 多端中外騷擾四年女真亦遣使請和  
 於是始自吉州以次收八九城戰具資  
 糧于內地遂撤崇寧通泰真陽三鎮及  
 英福二州城又撤咸雄二州及宣化鎮  
 城以還之以此考之咸英雄福吉宜六

州及公嶮通泰平戎三鎮此九城之數  
 也其撤城還女真之時則無宜州及公  
 嶮平戎二鎮而崇寧真陽宣化三鎮乃  
 加現焉置戶之數又各不同是可疑也

睿宗三年二月都鈐轄林彥作英州記  
 云今新置六城一曰鎮東軍咸州大都  
 督府兵民一千九百四十八丁戶二曰  
 安嶺軍英州防禦使兵民一千二百三  
 十八丁戶三曰寧海軍雄州防禦使兵  
 民一千四百三十六丁戶四曰吉州防  
 禦使兵民六百八十二丁戶五曰福州  
 防禦使兵民六百三十二丁戶六曰公  
 嶮防禦使兵民六百三十二丁戶  
 鎮防禦使兵民五百三十二丁戶  
 潰所撰綱目云尹瓘蒸九城徙南界民



實之號咸州曰鎮東軍置戶一萬三千  
號英州曰安嶺軍雄州曰寧海軍各置  
戶一萬福吉宜三鎮各置戶七千且宜  
公嶮通泰平戎三鎮各置戶五千  
州之地在定州以南不必擊逐女真而  
後置也豈非適至是乃創築城堡故併  
稱為九城而不在撤去之數歟  
北青州府久為女真所據九城時名號未  
詳後沒於元稱三散恭愍王五年收復舊  
疆置安北千戶防禦所二十一年改今名  
為萬戶府

甲州府本虛川府久為女真所據屢經兵  
火無人居恭讓王三年始稱甲州置萬戶

府有奉天臺

在惠山東

北界本朝鮮故地在三國為高句麗所有寶  
藏王二十七年新羅文武王與唐將李勣夾  
攻滅之遂併其地孝恭王九年弓裔據鐵圓  
自稱後高麗王分定涇西十三鎮成宗十四  
年分境內為十道以西京所管為涇西道後  
稱北界肅宗七年又稱西北面後以黃州安

岳鐵和長命鎮來屬辛禰十四年復屬西海道領宗一大都護府一防禦郡二十五鎮十二縣十中葉以後所置府二郡一

西京留守官平壤府本三朝鮮舊都唐堯戊辰歲神人降于檀木之下國人立為君都平壤號檀君是為前朝鮮周武王克商封箕子于朝鮮是為後朝鮮逮四十一代孫準時有燕人衛滿亡命聚黨千餘人來奪準地都于王險城險一作儉是為衛滿朝鮮其孫右渠

不肯奉詔漢武帝元封二年遣將討之定為四郡以王險為樂浪郡高句麗長壽王十五年自國內城徙都之寶藏王二十七年新羅文武王與唐夾攻滅之地遂入於新羅太祖元年以平壤荒廢量徙益白黃海鳳諸州民以實之為大都護府尋為西京光宗十一年改稱西都成宗十四年稱西京留守穆宗元年又改鎬京文宗十六年復稱西京留守官置京畿四道肅宗七年設文武班及五部仁

宗十三年西京僧妙清及柳昂分司侍郎趙匡等叛遣兵斷崑嶺道於是命元帥金富軾等將三軍討平之除留守監軍分司御史外悉汰官班尋削京畿四道置六縣元宗十年西北面兵馬使營記官崔坦三和校尉李延齡等作亂殺留守以西京及諸城叛附于蒙古蒙古以西京為東寧府置官吏畫慈悲嶺為界忠烈王十六年元歸我西京及諸城遂復為西京留守官恭愍王十八年設萬戶府

後改為平壤府有大同江即江又名王城

津弱有大城山一云九龍山一云魯陽山

陽山即謂此也古城基一其子時所築城

一高麗成箕子墓在府城北東明王墓在府南

宗時所築箕子墓在府城北東明王墓在府南

中和境龍山號真珠墓又仁里坊有祠堂

高麗以時降御押行祭朔望亦令其官行祭

邑入至今有帝祠乙密臺臺在錦繡山頂

世傳東明聖帝祠乙密臺臺在錦繡山頂

有永明寺即東明王九梯宮內有麒麟窟屬

窟南白銀灘有巖出沒朝水名曰朝天石屬

縣四

江東縣仁宗十四年分京畿為六縣以

仍乙舍鄉班石村朴達串村馬灘村合  
爲本縣置今仍爲屬縣後屬於成州恭  
讓王三年復置今

江西縣仁宗十四年分京畿爲六縣以  
梨岳大坵甲岳角墓禿村甌山等鄉合  
爲本縣置今仍爲屬縣

中和縣本高勾麗加火押新羅憲德王  
改爲唐岳縣至高麗爲西京屬村仁宗  
十四年分京畿爲六縣以荒谷唐岳松

串等九村合爲本縣置今仍爲屬縣忠  
肅王九年以太祖統合功臣金樂金括  
內鄉陞爲郡置今如故恭愍王二十年  
又陞爲知郡事

順和縣仁宗十四年分京畿爲六縣以  
楸子島櫻遷村龍坤村禾山村合爲本  
縣置今仍爲屬縣後屬於祥原忠惠王  
二年移屬三和

安北大都護府寧州本高麗彭原郡太祖十

四年置安北府成宗二年稱寧州安北大都  
護府顯宗九年稱安北大都護府高宗四十  
三年避蒙兵入昌麟島後出陸恭愍王十八  
年置安州萬戶府後陞為牧別號安陵成廟所定  
有清川江古稱薩水即高句麗乙支領防禦  
郡二十五鎮十二縣六

龜州本高麗萬年郡成宗十三年命平章  
事徐熙率兵攻逐女真城龜州顯宗九年  
為防禦使高宗三年丹兵來寇州人拒戰

別行

斬獲甚多至十八年蒙兵來侵兵馬使朴  
犀盡力禦之力屈猶不降以功陞為定遠  
大都護府後為都護府又改定州牧  
宣州本安化郡高麗初改為通州顯宗二  
十一年稱宣州防禦使高宗十八年避蒙  
兵入于紫燕島元宗二年出陸有牧美島  
龍州本高麗安興郡顯宗五年稱龍州防  
禦使後改為龍灣府忠宣王二年復稱龍  
州

別行

靜州本高麗松山縣德宗二年築城徙民一千戶實之文宗三十二年又以靜州等五城城大民小徙內地民各百戶實之麟州本高麗靈蹄縣顯宗九年稱麟州防禦使二十一年移永平鎮民實之高宗八年以叛逆降稱舍仁後改為知郡事有古長城基德宗朝平章事柳詔所築起自州濱之鴨綠江入海處至東界和州海義州本高麗龍灣縣又名和義初契丹置

城于鴨綠江東岸稱保州文宗朝契丹又設弓口門稱抱州一云睿宗十二年遼刺史常孝孫與都統耶律寧等避金兵泛海而遁移文于我寧德城以來遠城及抱州歸我我兵入其城收拾兵仗錢穀玉悅改為義州防禦使推刷南界人戶以實之於是復以鴨綠江為界置關防仁宗四年金亦以州歸之高宗八年以叛逆降稱咸新尋復古恭愍王十五年陞為牧十八年置

別行

萬戶府別號龍灣有鴨綠江一云馬訾水

朔州本高麗寧塞縣顯宗九年稱朔州防

禦使後陞為府

昌州本高麗長靜縣靖宗元年城梓田移

民戶為昌州防禦使高宗十八年被蒙兵

城邑丘墟

雲州本高麗雲中郡一云古遠化鎮光宗時為威

化鎮成宗十四年稱雲州防禦使高宗十

八年避蒙兵入于海島元宗二年出陸寓

于嘉山西村隸延山府恭愍王二十年復

立郡別號雲中成廟所定

延州本高麗密雲郡一云安朔郡光宗二十一

年更今名為知州成宗十四年為防禦使

恭愍王十五年陞延山府

博州本高麗博陵郡一云古德昌成宗十四年

稱博州防禦使高宗十八年避蒙兵入于

海島元宗二年出陸屬于嘉州恭愍王二

十年復郡號別號博陵成廟所定有大寧江俗呼

博州

嘉州本高麗信都郡德縣云古光宗十一年

城濕忽陞為嘉州成宗十四年稱防禦使

高宗八年以叛逆降稱撫寧十八年避蒙

兵入于海島元宗二年出陸以泰博撫渭

等州皆屬本郡為五城兼官後析置泰撫

渭三州惟博州仍屬至恭愍王二十年又

析置博州

郭州本高麗長利縣成宗十三年命平章

事徐熙率兵攻遂女真城郭州顯宗九年

為防禦使高宗八年以叛逆降稱定襄十

八年避蒙兵入于海島元宗二年出陸隸

隋州恭愍王二十年復郡號

鐵州本高麗長寧縣銅山云顯宗九年稱鐵

州防禦使

靈州顯宗二十一年陞興化鎮為州置防

禦使

孟州孟一作益本高麗鐵峯縣顯宗十年稱猛

高麗本五十八 三十一



州防禦使高宗十八年避蒙兵入海島四十四年併于殷州元宗二年出陸為安州屬縣恭讓王三年析置縣令

德州本高麗遼原郡一名長德鎮穆宗四年稱德州防禦使元宗元年避蒙兵入于安州之蘆島後凡五遷至忠烈王六年復舊地屬于成州恭愍王二十年析為知州事

撫州本高麗雲南郡一云古成宗十四年

稱撫州防禦使高宗十八年避蒙兵入于海島元宗二年出陸處渭州古城屬嘉州恭愍王十八年移屬泰州恭讓王三年別置監務

順州本高麗靜戎郡成宗二年稱順州防禦使高宗四十四年併于德州後改為知郡事

渭州本樂陵郡一云古高麗改今名為防禦使文宗四年築城

泰州本高麗光化縣一云寧朔一云連朔光宗二十

一年稱泰州防禦使高宗十八年避蒙兵

入于海島元宗二年出陸屬于嘉州恭愍

王十五年以撫渭二州屬于郡稱泰州事

辛禡七年析置撫渭二州

成州本沸流王松讓之故都太祖十四年

置剛德鎮顯宗九年改今名為防禦使後

為知郡事別號松讓成朝所定有溫泉

殷州本高麗興德郡一名同昌郡成宗二

年稱殷州防禦使高宗十八年避蒙兵入

于海島後出陸為成州屬縣恭讓王三年

置監務

肅州本高麗平原郡太祖十一年移築鎮

國城改名通德鎮成宗二年稱今名為防

禦使後更為知郡事

慈州本高麗文城郡太祖二十二年改為

大安州成宗二年改今名為防禦使後改

為知郡事

寧德鎮文宗十年避契丹興宗諱改鎮為城以鎮字從真字也有鎮使下同

威遠鎮顯宗二十年遣柳韶修古石城置之鎮在興化鎮西北

定戎鎮顯宗二十年遣柳韶修古石壁置鎮徙永平城民實之鎮在興化鎮北

寧朔鎮古捺田高麗改今名文宗四年築城

安義鎮顯宗九年築城

清塞鎮高宗四年以禦丹兵有功陞威州

防禦使後投狄背國改稱熙州為价州兼官有妙香山即太伯山

平虜鎮靖宗七年命崔冲築城後改柔遠寧遠鎮靖宗七年命崔冲築城

朝陽鎮有鎮將下同太祖十三年城馬山號安水鎮顯宗九年改連州防禦使連一作連後更

今名為鎮高宗二年以禦丹兵有功復稱連州防禦使四年改為翼州防禦使後又

改价州

陽岩鎮太祖二十一年築城

樹德鎮成宗二年築城

安戎鎮光宗二十五年築城

通海縣太祖十七年築城高宗四十三年

罷縣今以安仁鎮將兼之

永清縣古定水縣後為龍岡屬縣後置縣

今高宗四十三年罷縣今以安仁鎮將兼

之恭愍王七年復析置縣今

咸從縣本高麗牙善城後改今名為縣今

龍岡縣本高麗黃龍城一云軍後改今名為

縣今官

三和縣仁宗十四年分西京畿為六縣以

金堂呼山漆井三部曲合為本縣置今

三登縣仁宗十四年分西京畿為六縣以

成州所屬新城蘿坪狗牙等三部曲合為

本縣置今

別行

江界府恭愍王十年稱禿魯江萬戶十八年改今名爲萬戶府

泥城府恭愍王十八年置泥城萬戶府

碧圍本皆女真所居恭愍王六年遣泥城萬戶金進等擊走之改林土爲陰潼以碧圍隸焉抄南界人戶以實之

隨州高宗十八年蒙兵陷昌州州人入于

紫燕島元宗二年出陸寓于郭州海濱以

州人失土割郭州東十六村及郭州所屬

安義鎮以與之稱知隨州事仍兼郭州恭

愍王二十年復新置郭州

志卷第十二

志卷第十三

高麗史五十九

正憲大夫判書集賢殿大提學知經筵春秋館事兼成均大司成臣鄭麟趾奉

教修

禮一

4  
三下

夫人函天地陰陽之氣有喜怒哀樂之情於是聖人制禮以立人紀節其驕淫防其暴亂所以使民遷善遠罪而成美俗也高麗太祖立國經始規模宏遠然因草創未遑議禮至于成宗恢弘先業祀圓丘耕籍田建宗廟立

分 月 六

社稷睿宗始立局定禮儀然載籍無傳至毅宗時平章事崔允儀撰詳定古今禮五十卷然闕遺尚多自餘文籍再經兵火十存一二今據史編及詳定禮旁采周官六翼式目編錄蕃國禮儀等書分纂吉凶軍賓嘉五禮作禮志

吉禮大祀

圜丘

圜丘壇周六丈三尺高五尺十有二陛三壝

每壝二十五步周垣四門燎壇在神壇南廣一丈高一丈二尺戶方六尺開上南出祀圜丘有常日者孟春上辛祈穀無常日者孟夏擇吉雩祀祝版稱高麗國王臣王某敢明告玉幣上帝以蒼璧四圭有邸幣以蒼青帝以青圭赤帝以赤璋黃帝以黃琮白帝以白琥黑帝以玄璜幣如其玉凡幣之制皆長一丈八尺牲牢上帝及配主用蒼犢各一五方帝各用方色犢一若方色難備者以純色代之

攝事上帝配主各用羊一五方帝各豕一獻  
官親祀太子若公侯伯爲亞獻太尉爲終獻  
太尉宰臣爲之或太尉爲亞獻光祿卿爲終  
獻攝事太尉爲初獻太常卿爲亞獻光祿卿  
爲終獻 親祀儀 齋戒前祀七日質明有  
司設行事執事官位於尚書省俱北向西上  
設太尉位於群官北稍西西向監察御史位  
二在西稍南東向群官就位立定太尉就位  
西向讀誓文曰正月某日上辛親祀祈穀于

圜立各揚其職不供其事國有常刑讀訖竝  
再拜退王散齋四日於別殿致齋三日二日  
於正殿一日於齋宮凡預祀之官散齋四日  
致齋三日散齋皆於正寢致齋二日於本司  
一日於祀所無本司者宿尚書省散齋理事  
如故唯不用喪問疾不作樂不判署刑殺文  
書不行刑罰不經穢惡致齋之日唯祀事得  
行其餘悉斷近侍之官應從祀者及從祀群  
官各於本司清齋一宿無本司者宿尚書省



工人二舞皆清齋一宿於太常司前祀二日  
太尉奏告太祖陵祠如常告之儀告以配神  
作主之意前祀一日諸衛令其屬未後一刻  
各以其方器服守壇每門二人每隅一人  
陳設前祀三日尚舍局設大次於外壇東門  
之內道北南向設小次於卯陞之東西向守  
宮署設侍臣次於大次之前文左武右俱相  
向設行事陪祠官及有司次於內壇東門之  
外道南竝隨地之宜設饌幔於內道東門之

外道北南向前祀二日郊社令帥其屬掃除  
壇之上下積柴於燎壇設權火於燎壇東北  
南向掌牲令具牲牢太樂令陳登歌之樂於  
壇上稍南北向設軒架於壇南前祀一日奉  
禮設王位於壇下東南西向飲福位於壇上  
午陞之西北向亞終獻飲福位在王位之後  
設亞終獻祀官位於王位之後稍南西向執  
事者位於其後每等異位俱重行西向北上  
監察御史位二於壇下一於東南西向一於

西南東向設奉禮位於樂懸東北贊者二人  
在南差退俱西向協律郎位二一於壇上樂  
虞之西北一於軒架之西北俱東向太樂本  
位於軒架之北北向奉禮又設玉望燎位於  
柴壇之北南向奉禮贊者位於燎壇東北西  
向北上設陪祀文武官位於壝門內東西道  
南每等異位重行文東西向北上武西東向  
北上又設祀官及從祀群官等門外位於東  
壝門外如設次式設牲勝於東壝門外當門

西向蒼牲一居前又青牲一在北少退南上  
次赤牲一黃牲一白牲一玄牲一又蒼牲一  
在南少退北上又設掌牲令位於牲西南吏  
陪其後俱北向設諸太祝位於牲東各當牲  
後祝史各陪其後俱西向設太常卿省牲位  
於牲前近北又設御史位於太常卿之西俱  
南向太史令設神位版郊社令設上帝神座  
於壇上北方南向席以藁秸配位太祖神座  
於東方西向席以莞青帝於東陛北赤帝於

南陛東黃帝於南陛西白帝於西陛南黑帝  
於北陛西席並以藁秸告潔畢權徹上帝簋  
簋各二居前簋實稻粱在左粱在稻前簋實  
黍稷在右稷在黍前籩十二在左爲三行右  
上第一行實形盞在前魚鱠糗餌粉饗次之  
第二行榛子在前乾棗白餅黑餅次之第三  
行菱仁在前芡仁栗黃鹿脯次之豆十二在  
右爲三行左上第一行實芹菹在前筍菹脾  
析菁菹次之第二行韭菹在前醢食魚醢兔

醢次之第三行豚拍在前鹿醢鴈醢糝食次  
之甑一實大羹在籩豆間俎二一載牲首盤  
在豆右之南一載牲肉在前豆一實毛血匏  
爵三每爵有坩太尊二一實明水一實泛齊  
著尊二一實明水一實醴齊犧尊二一實明  
水一實盞齊山罍二一實玄酒一實清酒在  
壇上東南隅北向西上象尊二一實明水一  
實醴齊壺尊二一實明水一實沉齊山罍四  
二實玄酒一實事酒一實昔酒在壇下南陛

古禮考卷五十九  
六  
東北向西上尊皆加勺彙有坩以置爵設玉幣篚於尊坩之所設祝坩於神位之右配位前著尊二一實明水一實泛齊犧尊二一實明水一實醴齊象尊二一實明水一實盞齊山壘二一實玄酒一實清酒在壇上於上帝酒尊之東北向西上盞盞斝俎爵坩祝坩幣篚之設竝如上帝儀無玉五方帝前各太尊二一實明水一實泛齊著尊二一實明水一實醴齊犧尊二一實明水一實盞齊山壘一

實清酒各設於神座之左而右向邊豆各八邊減白餅黑餅糗餌粉粢豆減脾析豚拍醢食糝食盞盞各一盞實稻粱盞實黍稷其斝實牲俎爵坩幣玉之設竝如上儀設王洗二於午陛東南北向盥洗在東爵洗在西盥洗以匱壘水在洗東加爵篚在洗西南肆篚實以巾爵又設亞終獻洗二於王洗東南俱北向壘水在洗東篚在洗西南肆篚實以巾爵鑿駕出宮致齋日晝漏上水五刻鑿駕發

引發引前七刻奏一嚴前五刻奏二嚴所司  
陳大駕鹵簿諸衛各督其屬隊引內仗以次  
入陳於殿庭樞密以下左右侍臣俱詣大觀  
殿庭立班以俟前二刻奏三嚴玉服赭黃袍  
坐殿鳴鞭禁衛大喝再拜訖舍人喝樞密侍  
臣常起居訖閣門各引太子公侯伯宰臣就  
位立定舍人喝太子以下再拜西出侍中版  
奏外辦王降殿升輶輜輦出興禮門外守宮  
宰臣奉辭王至儀鳳門內降輦入幄乘黃令

進輅於儀鳳門階前南向千牛將軍一負執  
長刀立於輅前北向黃門侍郎在侍臣前太  
僕御攝衣而升正立執轡千牛將軍前執轡  
侍中版奏外辦王出幄乘輅稱警蹕如常文  
武兩班常起居訖黃門侍郎奏請侍臣上馬  
侍中前承制退稱曰制可黃門侍郎退稱侍  
臣上馬舍人喝文武侍臣再拜訖太僕卿立  
授綏次百司留守奉辭黃門侍郎進當鑾駕  
前跪奏稱黃門侍郎臣某言請鑾駕進發俛

伏興退復位鑾駕動稱警蹕侍中黃門侍郎  
夾侍千牛將軍夾路而趨鑾駕出昇平門權  
駐侍臣上馬訖黃門侍郎奏請車右升陪乘  
樞密上將軍各二員侍中前承制退稱曰制  
可黃門侍郎退復位車右再拜升訖鑾駕動  
稱警蹕不得鼓吹不得譙譟其從祀官在玄  
武隊後如常儀鑾駕將至齋宮其先到諸祀  
官若執禮御史郊社令執事官俱朝服於齋  
宮門外北向西上立班奉迎再拜鑾駕至齋

宮南門外迴輅南向車右降立輅前侍中進  
當鑾駕前跪奏稱侍中臣某言請降輅俛伏  
興退復位王降輅入齋宮織扇華蓋侍衛如  
常儀宿衛如式通事舍人各引從祀文武群  
官集齋宮門前文東武西舍人承旨勅群官  
各還次省牲器省牲之日午後八刻諸衛  
之屬禁斷行人未後二刻郊社令率其屬以  
尊站篚罍入設於位凡祭器皆藉以席蓬豆  
又加盖罍未後三刻執禮官先入奉禮帥贊

者俱入就位謁者贊引各引祀官及御史俱就位隸儀訖掌牲令牽牲就榜位謁者引太常卿贊引引御史入詣壇東陞升視滌濯執尊者皆去纁告潔訖引降就省牲位南向立掌牲令少前曰請省牲退復位太常卿省牲掌牲令又前舉手曰脯還本位諸太祝各巡牲一匝西向舉手曰充俱還本位諸太祝與掌牲令以次牽牲詣廚授太官謁者引光祿卿詣廚省鼎鑊申視滌濯監取明水火贊引

引御史詣廚省饌具協律郎展視樂器各還齋所祀日未明五刻太官令帥宰人以鑿刀割牲取牲首七各盛於盤入設於壇上尊纁所太官令入實籩豆時奉設七坐豆右之南祝史以豆取毛血各置於饌所遂烹牲 奠玉帛祀日未明三刻諸祀官及從祀官各服其服執禮官先入壇下郊社良醞令各帥其屬入實尊纁玉幣太祝以玉幣置於籩太官令帥進饌者實諸籩豆簋簋監察御史按視

壇之上下糾察不如儀者還出未明二刻奉  
禮帥贊者先入再拜就位贊引引御史郊社  
**令**諸太祝及祝史今史與執尊壘籩簋者入  
自東門當壇南樂懸北重行北向西上立定  
奉禮曰再拜贊者承傳御史以下皆再拜訖  
執尊壘籩簋者各就位贊引引御史諸太祝  
詣壇東陞升御史行掃除於上今史掃除於  
下訖復位謁者贊引各引祀官及從祀群官  
俱就門外位太樂令帥工人二舞入就位文

舞入陳於懸北武舞立於懸南道西其升壇  
者皆脫屣於下降納如常謁者引司空入就  
位立定奉禮曰再拜司空再拜訖謁者引司  
空詣壇東陞升行掃除於上降行樂懸於下  
訖引復位謁者贊引各引祀官通事舍人分  
引從祀群官入就位侍中詣行宮門前版奏  
外辦未明一刻王服袞冕以出繳扇華蓋侍  
衛如常儀太常博士引太常卿凡太常卿前  
導皆博士先引太常卿引王入大次簾降太



壇之上下糾察不如儀者還出未明二刻奉  
禮帥贊者先入再拜就位贊引引御史郊社  
人諸太祝及祝史今史與執尊壘籩簋者入  
自東門當壇南樂懸北重行北向西上立定  
奉禮曰再拜贊者承傳御史以下皆再拜訖  
執尊壘籩簋者各就位贊引引御史諸太祝  
詣壇東陞升御史行掃除於上今史掃除於  
下訖復位謁者贊引各引祀官及從祀群官  
俱就門外位太樂令帥工人二舞入就位文

舞入陳於懸北武舞立於懸南道西其升壇  
者皆脫屨於下降納如常謁者引司空入就  
位立定奉禮曰再拜司空再拜訖謁者引司  
空詣壇東陞升行掃除於上降行樂懸於下  
訖引復位謁者贊引各引祀官通事舍人分  
引從祀群官入就位侍中詣行宮門前版奏  
外辦未明一刻王服袞冕以出繳扇華蓋侍  
衛如常儀太常博士引太常卿凡太常卿前  
導皆博士先引太常卿引王入大次簾降太

常卿博士閣門官分立於大次外左右郊社  
今以祝版進王署訖近臣奉出郊社今受各  
奠於坵侍中版奏外辦簾卷王出次華蓋侍  
衛如常儀太常卿引王至內壝門外近侍齋  
戒者陪從尚衣奉御以桓圭授殿中監殿中  
監受進王執圭華蓋仗衛停於門外王入自  
正門協律郎跪俛伏舉麾興凡取物者皆跪  
俛伏而取興奠物則奠訖俛伏而後興工鼓  
祝軒架奏黃鐘宮正安之曲王升降行止皆

作正安之曲王至版位西向立每立定太常  
卿與博士退立於左偃麾戛敵樂止凡樂皆  
協律郎跪俛伏舉麾興工鼓祝而後作偃麾  
戛敵而後止太常卿前奏請再拜退復位王  
再拜奉禮曰再拜衆官在位者皆再拜先拜  
者不拜太常卿前奏稱有司謹具請行事退  
復位協律郎舉麾軒架奏夾鍾宮景安之曲  
三成黃鐘角大簇徵姑洗羽各一成文舞作  
六成偃麾樂止太祝升煙燔牲首樂六成訖

太祝舉牲首盤各由其陞授祝史祝史詣燎壇上別加柴燔之太常卿前奏請再拜王再拜奉禮曰再拜衆官在位者皆再拜諸太祝取玉幣於篚各立於尊所太常卿引王詣壇軒架奏黃鍾宮正安之曲升自南陞侍中中書令以下左右侍衛量人從升王升壇北向立樂止太祝以玉幣授侍中侍中奉玉幣東向跪進王搢圭受玉幣登歌作大呂宮嘉安之曲太常卿引王詣上帝神位前北向跪奠

訖執圭俛伏興少退北向再拜訖登歌止太常卿引王少東東向立配座太祝以幣授侍中侍中奉幣北向進王搢圭受幣登歌作大呂宮仁安之曲太常卿引王詣配座前東向跪奠訖執圭俛伏興少退東向再拜訖登歌止太常卿引王軒架奏黃鍾宮正安之曲王降自南陞還版位西向立樂止初王將奠配位之幣五帝太祝各奉玉幣跪奠神座前祝史燔牲首訖出詣饌所各奉毛血豆立於門

外於登歌止祝史奉毛血豆入就壇下諸太  
祝各由其陛迎取於壇上俱進奠神座前  
進熟玉升奠玉幣太官令出帥進饌者奉饌  
各陳於壇門外謁者引司徒出詣饌所司徒  
奉上帝之俎太官令引饌入俎初入門軒架  
奏黃鍾宮豐安之曲饌至陛樂止太祝俱進  
徹毛血之豆自東陛授祝史以出司徒升自  
午陛詣上帝神座前跪奠俎諸太祝一時各  
奠俎上帝饌升自午陛配位饌升自卯陛五

前

帝饌各由其陛諸太祝迎奠於神座前籩豆  
蓋羅先徹乃升簋簋既奠却其蓋於下設訖  
謁者引司徒降自東陛復位太官令退復位  
諸太祝各還尊所太常卿引王詣盥洗位軒  
架奏黃鍾宮正安之曲王至洗位樂止殿中  
監進受圭侍中跪取匱興沃水內侍官跪取  
盤承水王盥手黃門侍郎跪取巾於匱興以  
進王悅手黃門侍郎受巾跪奠於匱祝史以  
篚取爵進跪於洗西黃門侍郎取爵於篚以

進王受爵侍中酌壘水內侍官奉盤承水王  
洗爵黃門侍郎跪取巾於篚興以進王拭爵  
訖黃門侍郎受巾奠於篚侍中以篚受爵授  
祝史祝史傳授太祝大祝受篚取爵置尊所  
坫上殿中監進圭王執圭太常卿引王軒架  
奏黃鍾宮正安之曲王自南陛升壇訖樂止  
謁者引司徒升自東陛立於尊所王詣上帝  
尊所侍中取爵於坫進王受爵太祝去羣侍  
中贊酌太尊之泛齊登歌作大呂宮嘉安之

曲王詣上帝前跪奠爵俛伏興太常卿引王  
少退北向立樂止太祝持祝版進神座右東  
向跪讀祝文訖俛伏興樂作王再拜太祝奠  
版於坫樂止太常卿引王詣配位尊所侍中  
取爵於坫進王受爵太祝去羣侍中贊酌著  
尊之泛齊登歌作大呂宮仁安之曲王詣配  
位前奠爵俛伏興五帝太祝取爵於坫酌太  
尊之泛齊各進奠神座前訖太常卿引王少  
退東向立樂止配位太祝持祝版進神座左

北向跪讀祝文訖俛伏興樂作王再拜訖樂  
止太常卿引王詣飲福位北向立登歌作黃  
鍾宮禧安之曲太祝各以爵酌上尊福酒合  
置一爵一太祝持爵授侍中侍中西向奉以  
立王再拜訖侍中跪以爵酒進王跪搢圭受  
爵祭酒三祭于地啐酒奠爵太祝各持俎進  
減神前胙肉皆取前脚第二骨合置一俎上  
又太祝各以籩進減黍稷飯合置一籩以授  
司徒司徒西向跪以進王受以授內侍內侍

二人立於午陛下王受胙肉籩飯內侍升詣  
王位之左受退謁者引司徒降復位王跪取  
爵遂飮卒爵侍中受虛爵以授太祝太祝受  
爵復於坫還尊所王俛伏興再拜樂止太常  
卿引王降自午陛軒架奏黃鍾宮正安之曲  
至版位西向立樂止文舞退軒架奏黃鍾宮  
崇安之曲退訖樂止武舞進軒架奏黃鍾宮  
崇安之曲舞者立定樂止初王將復位謁者  
引太尉詣壘洗位北向立齋郎二人贊洗太

尉盥手悅手祝史以篚取爵立於洗西太尉  
取爵於篚洗爵拭爵祝史以篚受爵傳授太  
祝太祝受篚取爵置尊所坫上謁者引太尉  
自東陞升壇請上帝尊所太尉取爵於坫太  
祝去纍太尉酌著尊之醴齊軒架奏黃鍾宮  
武安之曲武舞作鄉樂交奏請上帝神座前  
北向跪奠爵俛伏興少退北向再拜訖又就  
配位前酌犧尊之醴齊如上儀少退東向再  
拜初太尉酌配位尊時五帝太祝各酌著尊

之醴齊進奠神座前訖樂止謁者引太尉詣  
飲福位諸太祝各以爵酌纍福酒合置一爵  
一太祝持爵進太尉之右西向立太尉再拜  
受爵跪祭酒遂飲卒爵太祝進受虛爵復於  
坫太尉興再拜訖謁者引太尉降復位初太  
尉獻將畢謁者引光祿卿詣纍洗盥手洗爵  
升酌盞齊終獻如亞獻儀謁者引光祿卿降  
復位諸太祝各進跪徹籩豆興還尊所籩豆  
各一少移故處登歌作大呂宮肅安之曲卒

高麗文卷五十九  
徹樂止奉禮曰賜胙再拜在位官皆再拜飲  
福者不拜送神軒架奏夾鍾宮永安之曲鄉  
樂交奏太常卿前奏請再拜王再拜訖奉禮  
曰再拜衆官再拜樂一成止太常卿前奏請  
就望燎位太常卿引王軒架奏黃鍾宮正安  
之曲王就望燎位南向立樂止初賜胙再拜  
訖諸太祝各執籠進詣神座前取玉帛祝版  
以俎載牲體黍稷飯及爵酒各由其陛降壇  
南行詣柴壇自南陛升以玉帛祝版饌物置

於燎柴奉禮曰可燎東西各六人舉權火火  
燎半柴太常卿前奏禮畢引王還大次軒架  
奏黃鍾宮正安之曲出中壝門外太常卿奏  
請釋主殿中監跪受圭以授尚衣奉御王至  
大次樂止謁者替引各引祀官通事舍人分  
引從祀群官以次出贊引引御史太祝以下  
俱復執事位奉禮曰再拜御史以下皆再拜  
贊引引出太樂令引工人以次出將士不得  
輒離部伍 鑾駕還宮其日祀事禮畢王還



齊殿停一刻頃奏初嚴所司轉仗衛鹵簿於  
還途如來儀奏二嚴樞密以下左右侍臣及  
文武百官各就位立定太樂令陳樂部於齋  
宮南門外王將出奏三嚴王服絳紗袍出生  
殿禁衛大喝再拜樞密左右侍臣常起居訖  
閣門引太子公侯伯宰臣入就位常起居訖  
閣門以次引出侍中版奏外辦王出齋宮門  
外南向立乘黃令進輅於齋宮門外南向王  
乘輅千牛將軍馭駕如來儀百官常起居訖

黃門侍郎請鑾駕進發退復位鑾駕動侍衛  
如常儀黃門侍郎千牛將軍夾輅而趨至侍  
臣上馬所黃門侍郎奏請鑾駕少駐勅侍臣  
上馬侍中前承制退稱曰制可黃門侍郎退  
稱曰侍臣上馬舍人喝侍臣再拜上馬黃門  
侍郎奏請勅車右升侍中承制退稱曰制可  
黃門侍郎退復位車右再拜升訖黃門侍郎  
奏請鑾駕進發退復位鑾駕動鼓吹樂部振  
作而還至昇平門外少駐侍臣下馬車右降

訖鑿駕入昇平門留守百官參再拜 有司  
攝事儀齋戒在上親祀儀其祀官已齋而闕  
者通攝行事前祀一日太尉帥群官具公服  
詣大觀殿庭王出親授祝版太尉受訖具儀  
衛帥祀官詣祀所 陳設前祀二日守宮署  
設行事執事官次於壇東壝門之外及齋坊  
之內隨地之宜設饌幔於內壝東門之外道  
南北向前一日郊社令帥其屬掃除壇之上  
下積柴於燎壇掌牲令具牲牢太樂令陳登

歌之樂於壇上稍南北向設軒架於壇南立  
舞表於軒架之北郊社令設望燎位於柴壇  
之北南向設權火於柴壇之東北南向奉禮  
設太尉群官位於壇下東南西向執事者位  
於其後每等異位俱重行西向北上監察御  
史位二於壇下一於東南西向一於西南東  
向設奉禮位於樂懸東北贊者二人在南差  
退俱西向協律郎位於壇上樂廡之西北東  
向太樂令位於軒架之北北向設戲官飲福

位於午陛之上稍西北向又設奉禮位於燎壇東北西向北上設牲牓於東壝門外當門西向牲七羊牲一居前豕牲五在北少退南上羊牲一在南少退又設掌牲令位於牲西南吏陪其後俱北向設諸祝史位於牲東各當牲後俱西向設太常卿省牲位於牲前近北又設御史位於太常卿之西俱南向神位及祭器牲牢陳設並如親祀儀設洗二於卯陛南北向盥洗在東爵洗在西罍在洗東皆

加勺篚在洗西南肆篚實以巾爵省牲器省牲之日午後八刻諸衛之屬禁斷行人未後二刻郊社令帥其屬掃除壇之上下帥齋郎以尊坫篚罍入設於位升壇者自東陛末後三刻執禮官先入奉禮帥贊者俱入就位謁者贊引各引祀官御史俱就位隸儀掌牲令以牲就牓位謁者引太常卿贊引引御史入詣壇東陛升視滌濯祝史去罍告潔訖引降就省牲位南向立掌牲令少前曰請省牲

還復位太常卿省牲掌牲今又前舉手曰膾  
還本位諸祝史各巡牲一匝西向舉手曰充  
俱還本位諸祝史與掌牲今以次牽牲詣廚  
授太官謁者引光祿卿詣廚省鼎鑊申視條  
濯監取明水火贊引引御史詣廚省饌具協  
律郎展視樂器各還齋所祀日未明五刻太  
官今帥宰人以鑿刀割牲取牲首七各盛於  
盤入設於壇上尊疊所太官今入實籩豆時  
奉設七座豆右之南祝史以豆取毛血各置

於饌所遂烹牲 奠玉帛祀日未明三刻諸  
祀官各服其服執禮官先入壇下郊杜良醢  
今各帥其屬入實尊疊玉幣祝史以玉幣置  
於籩太官今帥進饌者實諸籩豆簋籩郊杜  
今以祝版各置於坵監察御史按視壇之上  
下糾察不如儀者還出未明二刻奉禮帥贊  
者先入就位再拜贊引引御史郊杜今諸祀  
官諸祝史及齋郎與執尊疊籩簋者入自東  
門當壇南重行比向西上立定奉禮曰再拜

贊者承傳御史以下皆再拜訖執尊罍籩罍者各就位贊引引御史詣祝史詣壇東陞升御史行掃除於上令史掃除於下訖復位謁者贊引各引祀官俱就門外位太樂令帥工人二舞入就位文舞入陳於懸北武舞立於懸南道西謁者引司空入就位立定奉禮曰再拜司空再拜訖謁者引司空詣壇東陞升行掃除於上降行樂懸於下訖引復位謁者贊者贊引各引獻宮入就位奉禮曰再拜獻

官皆再拜其先拜者不拜謁者進太尉之左白有司謹具請行事退復位協律郎跪俛伏舉麾興工鼓祝軒架奏夾鍾宮景安之曲三成文德之舞六成偃麾戛鼓樂止祝史升烟燔牲首樂六成訖祝史舉牲首盤各由其陞授齋郎齋郎詣燎壇上別加柴燔之奉禮曰再拜在位者皆再拜祝史取玉幣於篚立於樽所謁者引太尉自南陞升壇北向立祝史以玉幣東向授太尉太尉受玉幣登歌作大

贊者承傳御史以下皆再拜訖執尊罍籩罍者各就位贊引引御史諸祝史詣壇東陞升御史行掃除於上令史掃除於下訖復位謁者贊引各引祀官俱就門外位太樂令帥工人二舞入就位文舞入陳於懸北武舞立於懸南道西謁者引司空入就位立定奉禮曰再拜司空再拜訖謁者引司空詣壇東陞升行掃除於上降行樂懸於下訖引復位謁者贊者贊引各引獻宮入就位奉禮曰再拜獻

官皆再拜其先拜者不拜謁者進太尉之左白曰謹具請行事退復位協律郎跪俛伏舉麾興工鼓祝軒架奏夾鍾宮景安之曲三成文德之舞六成偃麾戛鼓樂止祝史升烟燔牲首樂六成訖祝史舉牲首盤各由其陞授齋郎齋郎詣燎壇上別加柴燔之奉禮曰再拜在位者皆再拜祝史取玉幣於篚立於樽所謁者引太尉自南陞升壇北向立祝史以玉幣東向授太尉太尉受玉幣登歌作大

呂宮嘉安之曲太尉進上帝神座前北向跪  
奠俛伏興少退北向再拜訖樂止太尉進配  
位神座前東向立配座祝史以幣授太尉登  
歌作大呂宮仁安之曲太尉進配位神座前  
東向跪奠俛伏興少退東向再拜初太尉將  
奠配位之幣諸祝史奉玉幣各奠於五方帝  
神座前訖樂止謁者引太尉降自南陛還本  
位燔牲首訖齋郎出詣饌所各奉毛血豆立  
於門外登歌止奉毛血豆入各由其陛升諸

祝史迎取於壇上俱進奠神座前退立於尊  
所進熟太尉升奠玉幣太官令出帥進饌  
者奉饌各陳於壇門外謁者引司徒出詣饌  
所司徒奉上帝之俎太官令引饌入俎初入  
門軒架奏黃鐘宮豐安之曲饌至陛樂止祝  
史俱進徹毛血之豆自東陛授齋郎以出司  
徒升自午陛詣上帝神座前跪奠俎諸祝史  
各奠俎諸位饌升諸祝史迎奠於神座前奠  
豆蓋簋先徹乃升簋簋既奠却其蓋於下設

訖謁者引司徒降自東陛復位太官令退復  
位諸祝史還尊所謁者引太尉至洗位盥手  
悅手齋郎以篚取爵立於洗西太尉取爵於  
篚洗爵拭爵以授齋郎齋郎以爵篚授祝史  
祝史受篚取爵置尊所坫上謁者引太尉自  
南陛升壇取爵於坫祝史去罍太尉酌太尊  
之泛齊登歌作大呂宮嘉安之曲太尉詣上  
帝前跪奠爵俛伏興少退北向立樂止祝史  
進神座右東向跪讀祝文訖樂作太尉再拜

祝史奠版於坫樂止太尉詣配位尊所祝史  
去罍太尉酌著尊之泛齊登歌作大呂宮仁  
安之曲太尉詣配位前跪奠爵俛伏興少退  
東向立樂止祝史進神座右北向跪讀祝文  
訖樂作太尉再拜訖樂止初太尉酌配位尊  
時五帝祝史各酌太尊之泛齊進奠神座前  
謁者引太尉詣飲福位北向立諸祝史各以  
爵酌疊福酒合置一爵一祝史持爵進太尉  
之右西向立太尉再拜受爵跪祭酒啐酒奠



爵又祝史以俎進減神座前胙肉皆取前脚  
 第二骨共置一俎上又以籩進減黍稷飯合  
 置一籩以授太尉太尉受以授齋郎取爵遂  
 飲卒爵祝史進受虛爵復於坫太尉興再拜  
 訖謁者引太尉降復位文舞退軒架奏黃鐘  
 宮崇安之曲退訖樂止武舞進軒架奏黃鐘  
 宮崇安之曲舞者立定樂止謁者引太常卿  
 詣壘洗位盥手悅手洗爵拭爵以授齋郎齋  
 郎受以授祝史謁者引太常卿自東陞升壇

詣上帝尊所北向立祝史去羃太常卿酌著  
 尊之醴齊軒架奏黃鐘宮武安之曲武舞作  
 鄉樂交奏真爵訖俛伏興少退北向再拜次  
 詣配位前酌犧尊之醴齊如上儀初太常卿  
 酌配位尊時五帝祝史各酌著尊之醴齊進  
 奠神座前訖樂止謁者引太常卿詣飲福位  
 諸祝史各以爵酌壘福酒合置一爵一祝史  
 持爵進太常卿之右西向立太常卿再拜受  
 爵跪祭酒遂飲卒爵祝史進受虛爵復於坫

說樂  
289

訖樂止謂者引

六字次更ハ  
送リハ宮

爵又祝史以俎進滅神座前胙肉皆取前脚  
第二骨共置一俎上又以籩進滅黍稷飯合  
置一籩以授太尉太尉受以授齋郎取爵遂  
飲卒爵祝史進受虛爵復於坫太尉興再拜  
訖謁者引太尉降復位文舞退軒架奏黃鐘  
宮崇安之曲退訖樂止武舞進軒架奏黃鐘  
宮崇安之曲舞者立定樂止謁者引太常卿  
詣壘洗位盥手悅手洗爵拭爵以授齋郎齋  
郎受以授祝史謁者引太常卿自東陞升壇

二八  
者引

詣上帝尊所北向立祝史去羃太常卿酌著  
尊之醴齊軒架奏黃鐘宮武安之曲武舞作  
鄉樂交奏真爵訖俛伏興少退北向再拜次  
詣配位前酌犧尊之醴齊如上儀初太常卿  
酌配位尊時五帝祝史各酌著尊之醴齊進  
詣前訖樂止謁者引太常卿詣飲福位  
諸祝史各以爵酌壘福酒合置一爵一祝史  
持爵進太常卿之右西向立太常卿再拜受  
爵跪祭酒遂飲卒爵祝史進受虛爵復於坫

太常卿與再拜謁者引太常卿降復位初太  
常卿獻將畢謁者引光祿卿詣罍洗升酌盞  
齊終獻如亞獻之儀訖謁者引光祿卿降復  
位諸祝史各進跪徹籩豆籩豆各一小移故  
處登歌作大呂宮肅安之曲卒徹樂止祝史  
還尊所奉禮曰賜胙再拜在位者皆再拜飲  
福者不拜送神軒架奏夾鍾宮永安之曲鄉  
樂交奏奉禮曰再拜衆官在位者皆再拜樂  
一成止謁者引大尉詣望燎位南向立衆官

將拜諸祝史執籩各詣神座前取玉幣祝版  
齋郎以俎載牲體黍稷飯爵酒各由其陞降  
壇南行詣燎壇自南陞升以玉帛祝版饌物  
置於燎壇奉禮曰可燎東西各六人舉權火  
火燎半柴謁者進太尉之左白禮畢引太尉  
出謁者贊引各引祀官以次出贊引引御史  
以下俱復執事位立定奉禮曰再拜御史以  
下皆再拜贊引引出工人二舞以次出  
孟夏親雩如親祀祈穀儀但誓文曰今年四

引行

太常卿與再拜謁者引太常卿降復位初太常卿獻將畢謁者引光祿卿詣罍洗升酌盞齊終獻如亞獻之儀訖謁者引光祿卿降復位諸祝史各進跪徹籩豆籩豆各一小移故處登歌作大呂宮肅安之曲卒徹樂止祝史還尊所奉禮曰賜胙再拜在位者皆再拜飲福者不拜送神軒架奏夾鍾宮永安之曲鄉樂交奏奉禮曰再拜衆官在位者皆再拜樂一成止謁者引大尉詣望燎位南向立衆官

將拜諸祝史執籩各詣神座前取玉幣祝版齋郎以俎載牲體黍稷飯爵酒各由其陞降壇南行詣燎壇自南陞升以玉帛祝版饌物置於燎壇奉禮曰可燎東西各六人舉權火火燎半柴謁者進太尉之左白禮畢引太尉出謁者贊引各引祀官以次出贊引引御史以下俱復執事位立定奉禮曰再拜御史以下皆再拜贊引引出工人二舞以次出孟夏親雩如親祀祈穀儀但誓文曰今年四

月某日王親零祀園立云云有司攝事如祈  
穀攝事儀

成宗二年正月辛未王親祀園立祈穀配以  
太祖祈穀之禮始此

三序下  
方澤

顯宗二十二年正月親祭方澤 靖宗二年  
二月庚戌朔祭方澤十年十月丙申祭神州  
地祇 仁宗五年三月戊午制方澤祭地祇  
四郊迎氣

三序下

社稷

社稷壇社在東稷在西各廣五丈高三尺六  
寸四出陛五色土爲之瘞坎二各在兩壇子  
陛之北南出陛方深取足容物祭日仲春仲  
秋上戊及臘神位祭大社以后土氏配祭大  
稷以后稷氏配大社大稷位壇上北方南向  
席皆以藁結后土后稷位壇上西方東向席  
皆以莞玉幣玉以兩圭有邸幣以黑長一丈  
八尺拄牢社稷豕各一獻官太尉爲初獻太

常卿爲亞獻光祿卿爲終獻太尉八座爲之  
齊戒前祭七日平明太尉誓祭官公卿已  
下於尚書省曰某月某日上戊祭于大社大  
稷各揚其職不供其事國有常刑凡預祭之  
官散齋五日致齋二日散齋皆於正寢致齋  
二日一日於本司一日於祭所無本司者於  
尚書省前祭一日諸衛令其屬未後一刻各  
以其方器服守衛社壇門每門二人太樂工  
人俱清齋一宿於太常司 陳設前祭一日

守宮署設太尉亞終獻次於社壇西門外從  
祭群官次於其側設饌幔於東門之外道北  
南向郊社令帥其屬掃除壇之上下掌牲令  
具牲牢太樂令陳軒架之樂於壇南陳登歌  
於兩壇之間前祭一日奉禮設祭官公卿以  
下位於西門之內執事位於其後每等異位  
俱重行東向北上設御史位二於壇下一於  
大社壇東南西向一於大稷壇西南東向令  
史各陪其後設奉禮郎位於樂懸北贊者二

人在南差退俱東向北上設協律郎位於大  
社壇上東南西向設太樂今位於軒架之北  
北向設牲勝於東門之外當門西向又設掌  
牲今位於牲西南吏陪其後俱北向設諸祝  
史位於牲東各當牲後俱西向設太常卿省  
牲位於牲前近北又設御史位於太常卿之  
西俱南向設酒尊之位大社太尊二著尊二  
罍二在壇上東南隅北向后土氏象尊二著  
尊二罍二在大社酒尊之東俱北向西上尊

皆加勺巘設坫以置爵設大稷后稷酒尊於  
其壇上如大社后土之儀設洗於大稷壇西  
南北向罍水在洗東篚在洗西南肆篚實以  
巾爵執尊罍篚巘者各位於其後設玉帛之  
篚於壇上尊坫之所祭日未明五刻太史郊  
社今各服其服升設大社大稷神座各於壇  
之近北南向設后土氏神座於大社神座之  
右后稷氏神座於大稷神座之右俱東向  
省牲器前祭一日晡後郊社今帥齋郎以尊

一字  
前洋

人在南差退俱東向北上設協律郎位於大  
社壇上東南西向設太樂令位於軒架之北  
北向設牲牓於東門之外當門西向又設掌  
牲令位於牲西南吏陪其後俱北向設諸祝  
史位於牲東各當牲後俱西向設太常卿省  
牲位於牲前近北又設御史位於太常卿之  
西俱南向設酒尊之位大社太尊二著尊二  
罍二在壇上東南隅北向后土氏象尊二著  
尊二罍二在大社酒尊之東俱北向西上尊

皆加勺罍設坫以置爵設大稷后稷酒尊於  
其壇上如大社后土之儀設洗於大稷壇西  
南北向罍水在洗東篚在洗西南肆篚實以  
巾爵執尊罍篚罍者各位於其後設玉帛之  
篚於壇上尊坫之所祭日未明五刻太史郊  
社令各服其服升設大社大稷神座各於壇  
之近北南向設后土氏神座於大社神座之  
右后稷氏神座於大稷神座之右俱東向  
省牲器前祭一日晡後郊社令帥齋郎以尊



坵壘洗籠罍入設於位升壇者各自西陞執  
禮官先入壇下亞終獻以下竝入隸儀訖掌  
牲今以牲就勝位贊引引御史謁者引太常  
卿詣大社壇西陞升視滌濯執尊者皆舉罍  
告潔次詣大稷壇如大社之儀訖引降就省  
牲位南向立掌牲今少前曰請省牲退復位  
太常卿省牲掌牲今又前北向舉手曰肅還  
本位諸祝史各巡牲一匝西向舉手曰充還  
本位諸祝史與掌牲今以次牽牲詣廚授太

官今謁者引光祿卿詣廚省鼎鑊申視滌濯  
監取明水火贊引引御史詣廚省饌具訖俱  
還齋所祭日未明十刻太官令帥宰人割牲  
取牲左髀盛於盤置於尊罍所入實邊豆時  
奉設各座籩南祝史以豆取毛血各置於饌  
所 奠玉帛祭日未明三刻諸祭官各服其  
服郊社良醞今各帥其屬入實尊罍玉幣太  
尊爲上實以醴齊著尊次之實以盎齊罍爲  
下實以清酒配座之尊亦如之齊皆加明水

酒皆加玄酒各實於上尊太官令帥進饌者  
實諸籩豆簠簋各二居前簠實稻梁在  
左簋實黍稷在右籩十二在左爲三行右上  
第一行實形鹽在前魚鱠糗餌粉饗次之第  
二行榛子在前乾棗白餅黑餅次之第三行  
菱仁在前芡仁栗黃鹿脯次之豆十二在右  
爲三行左上第一行實芹菹在前筍菹脾析  
菁菹次之第二行韭菹在前醢食魚醢兔醢  
次之第三行豚拍在前鹿醢鴈醢糝食次之

釧二在籩豆間實以糞加菘滑俎一一載牲  
體一載左脾鮑爵三在籩豆南每爵有坩又  
豆一實以毛血未明二刻奉禮帥贊者先入  
就位贊引引御史諸祝史與執尊壘籩罍者  
入自西門當大社壇南重行北向東上立定  
奉禮曰再拜贊者承傳御史以下皆再拜訖  
執尊壘籩罍者皆就位贊引引御史諸祝史  
詣大社壇西陞升行掃除於上令史掃除於  
下又詣大稷壇行掃除如大社之儀訖各就

位未明一刻謁者贊引引祭官俱就門外位  
太樂令帥工人二舞入就位文舞入陳於懸  
北武舞入立於懸南道西謁者引司空入就  
位立定奉禮曰再拜司空再拜訖謁者引司  
空詣壇西陞升行掃除於上大稷壇亦如之  
降行樂懸於下引復位謁者贊引各引祭官  
入就位立定奉禮曰再拜祭官以下皆再拜  
其先拜者不拜謁者進太尉之左白有司謹  
具請行事退復位協律郎跪俛伏舉麾興工

鼓祝軒架奏林鍾宮寧安之曲文舞八成奉  
禮曰再拜衆官在位者皆再拜諸祝史取玉  
帛於篚各立於尊所謁者引太尉詣大社壇  
升自南陞北向立祝史以玉帛西向授太尉  
太尉受玉帛登歌作應鍾宮嘉安之曲太尉  
進北向跪奠於大社神座前俛伏興少退北  
向再拜訖詣配位前西向立祝史以幣北向  
授太尉太尉受幣進跪奠於后土神座前少  
退西向再拜訖登歌止謁者引太尉降自西

古禮考卷五十九 三十三  
陸詣大稷壇升奠玉幣如大社后土壇儀引  
太尉降復位初衆官拜訖齋郎各奉毛血之  
豆立於門外於登歌止齋郎奉毛血入各由  
其陸諸祝史迎取於壇上俱進奠於神座前  
退立於尊所 進熟太尉既升奠玉幣太官  
今出帥進饌者奉饌陳於西門外謁者引司  
徒出詣饌所奉大社之俎太官令引饌入俎  
初入門軒架奏大簇宮豐安之曲饌至陸樂  
止祝史俱進徹毛血之豆自西陸授齋郎以

出司徒升自午陸進奠俎於大社神座前諸  
祝史一時各奠俎大社大稷之饌升自南陸  
配位之饌升自西陸諸祝史迎取於壇上各  
設神座之前邊豆盞先徹乃升盞盞既奠  
却其盞於下設訖謁者引司徒降自西陸復  
位太官令退復位諸祝史還尊所謁者引太  
尉詣罍洗盥手齋郎以篚取爵授太尉太尉  
洗爵拭爵授齋郎齋郎傳授祝史祝史受篚  
取爵置尊所站上謁者引太尉詣大社壇升

自南陞詣大社尊所取爵於坫執尊者舉罍  
太尉酌醴齊登歌作應鍾宮嘉安之曲太尉  
進大社神座前北向跪奠爵俛伏興少退北  
向立樂止祝史持版進於神座之右東向跪  
讀祝文訖樂作太尉再拜訖樂止祝史奠版  
於坫還尊所太尉詣后土氏酒尊所執尊者  
舉罍太尉酌醴齊樂作太尉進后土氏神座  
前西向跪奠爵興樂止少退西向立祝史持  
版進於神座之右北向跪讀祝文訖樂作太

尉再拜訖樂止祝史奠版於坫還尊所謁者  
引太尉詣飲福位北向立祝史各以爵酌壘  
福酒合置一爵一祝史持爵進太尉之右西  
向立太尉再拜受爵跪祭酒三祭于地啐酒  
奠爵祝史各持俎進減神座前胙肉皆取前  
脚第二骨合置一俎上又以籩進減黍稷飯  
合置一籩以授太尉太尉受以授齋郎取爵  
遂飲卒爵祝史進受虛爵復於坫太尉俛伏  
興再拜謁者引太尉降自西陞詣壘洗盥手

洗爵訖謁者引太尉詣大稷壇升自南陛酌  
獻樂作止飲福受胙並如大社壇之儀謁者  
引太尉降復位文舞出軒架奏大簇宮崇安  
之曲出訖樂止武舞入軒架奏大簇宮崇安  
之曲舞者立定樂止初太尉將復位謁者引  
太常卿詣壘洗盥手洗爵訖謁者引太常卿  
自西陛升壇詣大社酒尊所執尊者舉罍太  
常卿酌盞齊武舞作軒架奏大簇宮武安之  
曲鄉樂交奏太常卿進大社神座前北向跪

奠爵興少退北向再拜訖詣后土氏酒尊所  
執尊者舉罍太常卿酌盞齊進后土氏神座  
前西向跪奠爵興少退西向再拜訖樂止謁  
者引太常卿詣飲福位北向立祝史各以爵  
酌壘福酒合置一爵一祝史持爵進太常卿  
之右西向立太常卿再拜受爵跪祭酒遂飲  
卒爵祝史進受虛爵復於坫太常卿興再拜  
謁者引太常卿降自西陛詣壘洗盥手洗爵  
訖詣大稷壇升獻樂作止飲福並如大社之

儀訖謁者引太常卿降復位初太常卿獻后  
稷將畢謁者引光祿卿盥手洗爵升酌盞齊  
終獻如亞獻之儀訖謁者引光祿卿降復位  
武舞止祝史各進徹豆還尊所奉禮曰賜胙  
再拜衆官再拜飲福受胙者不拜送神軒架  
奏林鐘宮寧安之曲鄉樂交奏奉禮曰再拜  
衆官在位者皆再拜樂一成止謁者進太尉  
之左白請就望瘞位引太尉就望瘞北向立  
於衆官將拜祝史執籩進神座前取玉幣齋

郎以俎載牲體稷黍飯爵酒各由其陞降壇  
北行當瘞坎西行諸祝史以玉幣饌物置於  
坎訖奉禮曰可瘞坎東西各四人寘土半坎  
謁者進太尉左白禮畢遂引太尉出謁者贊  
引各引祭官以下以次出贊引引御史祝史  
以下俱復執事位立定奉禮曰再拜御史以  
下皆再拜贊引引出工人二舞以次出其祝  
板燔於齋坊

成宗十年閏二月教曰予聞社土地之主也

地廣不可盡敬故封土爲社以報功也稷五穀之長也穀多不可徧祭故立稷神以祭之禮曰王爲群姓立社曰大社自爲立社曰王社諸侯爲百姓立社曰國社自爲立社曰侯社大夫以下成群立社曰置社故有國有家者不可不立社稷上自天子下至大夫示本報功不可不備爰自聖祖至于累朝未置夏松之祀尚虧周粟之禋朕纘承以來凡所施爲必依禮典子穆父昭之室髣髴經營春祈

秋報之壇方將創立其令群公擇地置壇於是始立社稷 顯宗五年七月中樞使姜邯贊請修社稷壇令禮司撰定儀注從之然儀文史無傳焉 文宗六年二月新築社稷壇於皇城内西戊子親行祀事八月乙酉制社壇配以后土勾龍氏其題主及祝文不宜稱名改勾龍爲后土氏 宣宗四年正月己巳祭社稷以祈神兵助戰 仁宗八年四月戊子日官奏今旱甚宜祈岳鎮海瀆諸山川及



宗廟社稷每七日一祈不雨則還從岳瀆如  
初旱甚則修雩從之 九年十一月癸酉祈  
雪十二月甲子祈雪 忠惠王後二年十二  
月乙巳有事社稷享需皆闕

志卷第十三

